

EAEko hotel eta ostatueta plazen % 60 beteko dira Aste Santuan

■ Iaz sasoi honetan antzekoa izan zen okupazio maila eta Gipuzkoak hartuko ditu turista gehien

Erredakzioa / Donostia

ASTE SANTUKO oporraldian Euskal Autonomi Elkarte (EAE) hotel eta ostatueta plazen % 60 beteko dira Jaurilaritzako Merkataritza, Kontsumo eta Turismo Sailaren arabera.

Probintziak aztertuz gero, Gipuzkoa izango da opor hauetan turista gehien hartuko dituen herrialdea: Donostia hiriburuan eta kostaldean oro har, plazen % 70-75 betetzea espero da eta barrualdean, berriz, % 50-60 izango da okupazio maila.

Bizkaian negozio turismoa da nagusi, eta, ondorioz, ez da espero Aste Santuko oporretan hazkunde nabaririk izatea. Turismo Sailak egindako azterketaren arabera, Bizkaiko hotel eta ostatueta plazen % 35 beteko da datozen egunotan. Araban, berriz, oporretako turismoa eta negozioetako biak nahiko pareko dira. X

Bilbon zinpeko epaimahaiarekin lehen epaiketa egingo da apirilaren 7an

Efe / Bilbo

BIZKAIAN apirilaren 7an egingo da lehen epaiketa zinpeko epaimahaiarekin. Homizidioaz akusatuta dagoen gizon bat da epaituko dutena. Hilketak 1996. urtean gertatu zen Bilbon bertan.

Euskal Autonomi Elkarte (EAE) zinpeko epaimahaiarekin egingo den hirugarren epaiketa da hau. Aurreko biak Gipuzkoan egin dira. Azkenak Itsasondoko Mikel Otegi gaztearen aurka. Azken honek zinpeko epaimahaiaren inguruko eztabaida piztu du.

Bizkaian duela bi urte egin zen frogak zinpeko epaimahaiarekin. Kasu hartan epaimahaiaren erabakiak ez zuen inolako balio juridikorik. Kasu hartan ere homizidio kasu bat epaitu zuten. Zinpeko epaimahaiak epaitutako gizon batzuek absolutitzeko epaia eman zuten, ez ordea magistratuak. Horien epaiak, benetako balio juridikoa zuen bakarrik, akusatua errudun deklaratu zuten. X

KORRIKA 10 BILBOKO ZOZKETA

Zenbaki saridunak

1. Kubarako bidaia: 24.935 (sarrera)
2. Kariberako bidaia: 12.306 (diru-tiketak)

Datorren astean Ordizian aurkeztuko da ofizialki Idiazabal gazta berria

Kalitate handiko produktua merkaturatuko da aurten iaz egindako eguraldiari eskerrak

Jone Larrañaga / Donostia

IDIAZABAL gaztaren kontsumoa eta promozioa bultzatze aldera orain bi urte hasi zen Ordiziako Udala gazta berriaren aurkezpen ofiziala egiten. 1996 urtean Juan Mari Arzak sukaldariak ebaki zuen gazta berria, eta iaz Pedro Subijanak. Aurten ere sukaldari aski famatu bati eman diote lan hori, 'Zuberoa' jatetxeko Hilario Arbelaitzi hain zuzen ere.

Gazta berriaren aurkezpen ekitaldi horretan bertan, omenaldia egingo diote Enric Canut katalanari hark Idiazabal gazta bultzatzeko egindako lana eskertu nahian. Canutek gazte buruzko liburu asko ditu idatzitak, horien artean, Jatorri Izena bultzatu zuen Idiazabal gaztari buruzko eskuliburu. Ordiziako Idiazabal gaztaren kofradiako ohorezko kide ere bada Canut.

Idiazabal Jatorri Izeneko Batzorde arautzaileak, bbestalde, izen bereko gaztagile onenak sarituko ditu datorren astean egingo den ekitaldi horretan. Eskuz egindako gaztefari Arantxa Seguiolak jasoko du saria, eta industrialetan berriz, 'Lizun' izeneko gazta egin duen Luis Vicente Larrarte eta 'Malatsa' marka ekoizten duen Gazte-Gazte kooperatibak jasoko dute saria.

Baina datorren asteko aparteko ferian, inork izatekotan artzainak izango du garrantzia. Izan ere, egun horretarako antolatu diren ekitaldi guztiak artzainaren figuraren inguruan prestatu dituzte, atzo Juan Vicente Erauskin Ordiziako alkateak azaldu zuenez. Idiazabalgo gaztaren salmenta postuak izango dira, horien artean abendu Ordiziako lehiaketa irabazi duten hirurenak. Gazta bera nola egiten den ere ikusi ahal izango da hurrengo asteko azokan. Besterik ere izango da, ardiak ilemozketak erakustaldia eta ardi dastaketa, besteak beste. Ardiez gain, ordea, ahariak ere izango

Hiru hilabete pasa ontzen pasatu ondoren, datorren asteartean Ordizian egingo den aparteko azokan aurkeztuko da ofizialki Idiazabal gazta berria. Aurten Hilario Arbelaitz sukaldariak izango du lehen gazta berria zatitzeko ardura.



Aurtengo gazta kalitate bikainekoa da, grasa ugari esnea eman baitzuten bertako ardi latxek.

dira: 50 artzainek ekarritako 150 bururen artean onena zein den aukeratzeko dute lehiaketan.

Kalitate handiko gazta da aurtengoa • Orainxe dira hiru hilabete artzainak eta ekoizle handiak Idiazabal gazta egiten hasi zirela. Denbora tarte hori ontzen eman ondoren, gaztak oraintxetik aurrera daude jateko modu onenean. Aurtengo gazta, gainera, kalitate bikain-bikainekoa da iaz egindako eguraldiari esker, grasa ugari esnea eman baitzuten bertako ardi latxek.

Pozik agertu dira aurtengo kalitatearekin ekoizleak.

Idiazabal Jatorri Izenaren Batzorde Arautzailearen barruan dauden 75 markek, bost milioi litro ardi-esne eta 806.000 kilo gazta ekoiztu zituzten iaz, aurreko urtean baino dexente gehiago. Jatorri izenaren barruan daude gain, beste 500.000 bat litro esne erabili ziren iaz gaztatarako.

Salba Gorostola Gipuzkoako Diputazioko mendi nekazaritzako zuzendariak atzoko aurkezpen ekitaldian azpimarratu zuenez, baina, oraindik gehiago pro-

duzitzeko ahalmena badu bertako artzaintza sektoreak. Horrez gain, badituzte beste erronka batzuk ere: sektorea gaztetzea —artzain gehienak ja edadetuak baitira— eta ahalik eta ekoizle gehienak jatorrizko izenera biltzea. Horretarako, gaztandegi berriak zabaltzeko Diputazioak orain arteko laguntza politikarekin jarraituko duela agindu zuen Salba Gorostolak. Aurrera begira, artzaintza eskola bat sortu beharko litzatekeela ere aipatu zuen Gipuzkoako Diputazioko arduradunak. X

Australiako Senatuak bertan behera utzi du munduan eutanasiarako eskubidea onartzen zuen lege bakarra

■ Ipar Lurraldean hiltzea eskatu zuten bi gaixo terminali eskubide hori onar dakien eskatu dute

Efe / Sidney

AUSTRALIA-KO Senatuak atzera bota du munduan eutanasia onartzen duen lege bakarra, Ipar Lurraldeko hain zuzen ere. Herenegun gauean egin zen bozketan, aldeko 38 eta kontrako 33 botoz egin zuen aurrera Kevin Andrews senadore liberalak aurkeztutako abolizio proposamenak.

Australiako Ipar Lurraldeko estatuan joan den uztailan onartu zuten Gaixo Terminalaren Eskubide Akta. Harrez gero, lau erik erabili dute modu duinean hiltzeko eskubidea. Badira beste bi, baina, aktak eskatzen dituen

baldintza guztiak bete arren, oraindik ez zaie eutanasia aplikatu.

Hain zuzen, bi gaixo terminal horiei bederen hiltzen utzi diezaieten eskatu dute Ipar Lurraldean eutanasiaren alde dauden elkarteek. Erreguak Ipar Lurraldeko goberadore nagusiari egin dizkiete, haren sinadura behar beharrezkoa baita herenegun Senatuak onartutako legea indarrean sartzeko. Lortu nahi dutena berrespena atzeratzea da, hartara bi eri horiek eutanasiarako aukera izan dezaten.

Eskubide hori erabiliz orain arte hil diren lau lagunak bezalaxe, hil zorian dauden beste biak

ere Phillip Nitschke doktorearen gaixoak dira. Medikuek horiek asmatutakoa da botika heriogarri baten bidez erik bere burua hil ahal izateko metodoa. Eutanasiaren alde egindako borroka gogorragatik, kontrakoek heriotza medikua deitzen diote Nitscheri.

Senaduak hartutako erabakiaren kontra protesta egiteko abolizio proiektuaren kopia erre egin zituen atzo Nitschek. «Inoiz ez nuen halako ankerkeriarik ikusi. Australiako Senatuak traizionatu egin ditu eri terminalak, batez ere Ipar Lurraldean hiltzen ari diren bi gaixo; Gaixo Terminalaren Eskubide Aktari

jarraiki, eutanasiarako eskubidea izateko baldintza guztiak bete zituzten horiek, baina orain ez dute batere aukerarik», adierazi zuen haserre.

Hilzorian diren bi pertsona horiei hiltzeko eskubidea onar dakien eskatu dute abolizio legearen kontra bozkatu zuten zenbait senadorek ere. «Batere erukirik gabe aritu da Senatu», azpimarratu zuen Bob Brown berdeetako ordezkariak.

Elizako ordezkariak, aitzitik, pozez hartu dute erabakia. Joan den udan Ipar Lurraldean eutanasia onartu zenetik gogor aritu dira hura bertan behera gera dadin eta lortu dute azkenean. X